

## Яхшиликларни жамлаган дуо



06:08 / 12.12.2025 1133

مُؤَلِّلَا: مَلَسَوِ هُوَ لَعَلَّ لَلَا لِيَصْرِي بَلَلَا عَاغْدُرْتِكَا نَاك: لَاقُ هُوَ لَلَا يَضْرَسَنَ أُنَّ ع  
هُتَالْتَلَا هَاوْرِي رَانَلَا بَادَعَان قَو، هُوَ سَحْرَهْ خَالَا يَفَو، هُوَ سَحْرَهْ اِي نُدَلَا يَفَان تَا أَنَّبَر

Анас розияллоҳу анҳудан ривоят қилинади:

**«Набий соллаллоҳу алайҳи васалламнинг аксари дуолари «Роббанаа аатиная фиддуния ҳасанатан ва фил охироти ҳасанатан ва қинаа азабан-наар» эди».**

*Учовлари ривоят қилганлар.*

Дуонинг маъноси: «Роббимиз, бизга бу дунёда ҳам, у дунёда ҳам яхшиликни бергин. Ва бизларни дўзах азобидан сақлагин».

Бу дуо «Бақара» сурасидаги оятдан олинган дуодир.

Аллоҳ таоло «Бақара» сурасида:

**«Ва улардан баъзилари: «Роббимиз, бизга дунёда ҳам яхшилиқни, охирада ҳам яхшилиқни бергин ва бизни дўзах азобидан сақлагин», - дейдир»,** деган (201-оят).

Бу дуо мусулмонларнинг дуосидир. Улар Аллоҳ таолодан икки дунёнинг яхшилигини сўрайдилар, чунки Исломи дини кишиларни икки дунёнинг ободлигига чақиради. Улар динсизу худосизларга ўхшаб, фақат бу дунёнинг ҳой-ҳавасини сўрамайдилар. Ёки баъзи тоифалар каби фақат охирага ўйлаб, бу дунёни эсан чикармайдилар.

Бу дуода юксак одоб ҳам кўриниб турибди. Сўраладиган нарсанинг номи аниқ қилиб айтилмасдан, умумий қилиб, «яхшилиқ» дейилмоқда. «Яхшилиқ»нинг нималигини Аллоҳ таолонинг Ўзи яхши билади.

**«Ҳадис ва ҳаёт» китобининг 35-жузи**

Ўзбекистон Республикаси Дин ишлари бўйича қўмитанинг 2023 йил 2 августдаги 02-07/6202-рақамли хулосаси асосида тайёрланди.